

No 3

TENTAMEN
CHEMICO-PHYSIOLOGICUM
INAUGURALE
DE
SANGUINE.



TENTAMEN
CHEMICO-PHYSIOLOGICUM
INAUGURALE

DE
SANGUINE;

QUOD,
ANNUENTE SUMMO NUMINE,
EX AUCTORITATE REVERENDI ADMODUM VIRI,
D. GEORGII BAIRD, SS. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI Consensu; et
Nobilissimæ FACULTATIS MEDICÆ Decreto;
PRO
GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT
GEORGIUS BIRKBECK,
ANGLUS;

SOCIET. REG. MED. EDIN. SOC. EXTR.
ET ITERUM PRÆSES ANNUUS;
SOCIET. NAT. STUD. EDIN. SOC. EXTR.
NUPERQUE PRÆSES;

NEC NON
ACAD. PHYSICES EDIN. SOC.

Ad diem 12. Septembris, horâ locoque solitis.

EDINBURGI:
EXCUDEBANT ADAMUS NEILL ET SOCII.



CELEBERRIMO

SPECTATISSIMOQUE VIRO,

DANIELI RUTHERFORD, M. D.

S. R. S. E.

BOTANICES

IN

ACADEMIA EDINENSI

PROFESSORI ;

PROPTER INSIGNEM, QUA POLLET,

RERUM PHILOSOPHICARUM, MEDICARUMQUE

PERITIAM,

NECNON

PROPTER INNUMERA IN SE COLLATA BENEFICIA,

REVERENTIÆ,


GRATIQUE ANIMI,

TESTIMONIUM,

HOC TENTAMEN

OFFERT

AUCTOR.



VIRO OPTIMO,
AMICOQUE PRÆSTANTISSIMO,
THOMÆ GARNETT,

IN COLLEGIO AB ANDERSON GLASGUÆ

INSTITUTO,

PHYSICES PROFESSORI ;

QUI

CONSILIIS SUIS

AD MEDICINAM RECTE DISCENDAM

QUAMPLURIMUM OPITULABATUR ;

HAS STUDIORUM PRIMITIAS,

PEREXIGUUM

AMORIS MONUMENTUM,

ANIMO QUAM GRATISSIMO,

CONSECRAT

A U C T O R.



NECNON,

AMICO SUO

JOANNI ALLEN,

EDINBURGI

DE PHYSIOLOGIA

PRÆLECTORI SOLERTISSIMO,

PHILOSOPHOQUE PERITISSIMO;

AMICITIÆ PIGNUS,

HOC OPUSCULUM

DICAT DEDICATQUE

AUCTOR.

Non solum copia major experimentorum quærenda est et procuranda, atque etiam alterius generis, quàm adhuc factum est; sed etiam methodus planè alia, et ordo, et processus, continuandæ et provehendæ experientiae, introducenda. Vaga enim experientia, et se tantum sequens, mera palpatio est; at cùm experientia lege certa procedet, feriatim et continenter, de scientiis aliquid melius sperari poterit.

BACONIS *Novum Organum.*

John Fullarton Esq:
with respectful Compl^{ts}
from the Author.

TENTAMEN
CHEMICO-PHYSIOLOGICUM

INAUGURALE

DE

SANGUINE.

CH E M I A, recentiorum philosophorum
inventis, tam aucta locupletataque fuit,
ut multa quæ ad organicorum, ut aiunt, cor-
porum compositionem pertinent, multaque
miranda phænomena eorundem physiologiam
spectantia, quorum antea nulla erat reddenda
ratio, illius ope tanquam prælata luce illu-
strentur; multa tamen sunt etiam peragenda

A

ut

ut horum analyfis eundem evidentiaë gradum attingat, ad quem eveëtæ sunt rerum aliarum analyfes quibus nulla infuit vis vitalis. Si ita unquam futurum fit ut hæc analyfis eò ufque perfectionis deveniat, quis dubitaverit, quin chemia fcientiam confanguineam, donis, muneribusque præftantiffimis fit ditura.

Accuratiffima tandem, evafit analyfis chemica dum modo recens ufurpato, compofitiffima etiam corpora fine caloris ferè auxilio in elementa refolvuntur; licet modo per calorem operandi minimè fuæ defint laudes: fæpius tamen partes ex quibus corpora conflantur, inde mifcentur confundunturque potius quàm eædem feperantur. Recens verò et accuratior ille modus, quo rerum naturam introfpicimus, maximis ipfe etiam premitur difficultatibus: quæ enim fub analyfi profluant principia, non fortè talia extiterunt integrâ fubftantiâ, quippe fæpe fit, ut chemicè fe-

juncta

juncta novas ineant connectiones, quales nos facile in errorem ducere possunt, de vera rei indole, quæ experimentis nostris subiecta fuerat. Hæ præfertim difficultates occurrunt cum materiæ, quæ sive ab animalibus sive a vegetabilibus depromuntur, examinationi subjiçuntur: hæ substantiæ plerumque ex plurimis rebus conflantur, et affinitates quibus sese mutuò appetunt, ita inter se librantur, ut unâ tantum avulsâ, cætera multifariâ conlocientur, enascanturque res novæ, ita ut experimentis conclusio sit difficilis et obscura.

Nec fortè ullibi majores sese offerunt difficultates quàm in fluidi istius compositi, dotibus et natura explorandis, quod per vasa animalium jugiter circumagitur. Aliæ difficultates, eæque non minoris momenti, sese offerunt, cùm nos accingimus ad physiologiam hujus fluidi, sive ad eas mutationes investigandas, quæ nondum soluta compage sæpiissime
occurrunt :

occurrunt: illæ quidem plerumque ab externis excitantur causis tam levibus, ut vix mente capi possint; aut interdum etiam, nullâ vi externâ admotâ, oriuntur. Solers admodum peritaque manus ad investigationem rectè faciendam omninò requiritur: inde patet, saltem ut mihi videtur, quare tam varia, imo inter se discrepantia, diversi auctores, vel etiam aliquando iidem sæpe auctores, de hac re statuere. Mihi hæc perlegenti planè necessarium videbatur, ut plura experimenta majore verò adhibita curâ peragerentur, et ut alia, ab iis quæ jam promulgata fuerunt prorsus diversa, instituerentur; his operam navare decreveram: jam verò rem aggresso multa occurrerunt quæ obstitere quin ultra progredere; eò tamen jam deveneram ut certò mihi constaret, *perquam longam et molestam esse viam experimentalem*, tandemque invitus a proposito, hâc occasione, recedere sum coactus.

Hæc,

Hæc itaque spero, Sæveriorum judicium temperabunt, huicque nostro conatui sapi-entium conciliabunt lenitatem, si uberior hîc reperiatur hypotheseon luxuries; sæpissime enim compellebar ad res dubias incertas-que, ut generales elicerem conclusiones, imo etiam, aliquando ad conjecturas ab analogiis nimis forsan remotis deductas, confugere; nec mirum forsan videbetur me, experimentis haud fatis munitum, in errorem incedisse, quamvis maxime probabilia tantum propo-
re studens: utinam res aliter se habuisset, fa-
cerrima enim est mihi TULLII sententia,
“ Præstat naturæ voce doceri, quam ingenio
“ suo sapere.”

Naturam, dotesque chemicas diversarum substantiarum ex quibus sanguis conficitur, quantum equidem valeo, proutque spontè vel chemice, a se invicem divisa prodeunt, in hoc tentamine evolvere decrevi; aggrediar etiam
varias

varias mutationes exponere quas totius fluidi color, densatio, vel ipsa compositio patiuntur, five vim suam exerant externa quædam, quæ plerumque in fluidum agunt, five demum, eadem omninò amoveantur. In decursu hujus dissertationis plurimæ referentur res factæ, quæ non immediatè quidem ad rationem phænomenorum reddendum pertinere videantur, ideóque forsan supervacaneæ, nihilque ad rem facientes judicabuntur; ad hoc crimen eluendum nihil dicturus ipse, totam meam defensionem BERGMANO confisus, illustrissimo illi chemico et philosopho, dum sic loquitur: “ In philosophia naturali nullæ
“ dantur subtilitates spernendæ, nullæ veritates otiosæ. Quod nobis sterile videtur, ideo
“ tantum est sine fructu quoniam satis illud
“ non cognoscamus. Quot myriades, pyrum
“ cadere frustra viderunt, sed NEWTONO, vulgarissimum hocce phænomenon theoriæ
“ gravitatis aperuit.”

Postquam

POSTQUAM sanguis exsectâ arteriâ vel venâ, in pateram recipitur, prima quæ a tota massa avolat pars, a VAN HELMONTII tempore, qui vocabuli ipse auctor fuit, apud plerosque nomen adeptus est

HALITUS^A SANGUINIS.

Nondum omnino constat quænam substantiæ componant laticem illum, qui ex densato hocce halitu colligitur. HALLERO illustrissimo describitur non absimilis materiæ perspirabili, illi enim inest sapor leviter salinus, et ex animalibus carnivoris præsertim odor non-nihil foetidus*; sæpissimè confertur cum eo qui ab apertis viventium, aut recens mortuorum

rum

* Elementa Physiologiæ, vol. 2. pag. 38.

rum animalium cavis exhalat; brevissimo ut fertur tempore putridus evadit, ob paucillum materiæ animalis inibi contentæ.

Similitudini de qua jam diximus, et maximæ quæ illi tribuitur ad putrescendum proclivitati, quodammodo adversari videntur, experimenta quædam ab ABERNETHY instituta; materia enim perspirabilis, quam a brachio suo collegerat, minimè cœruleum vegetabilis infusi colorem mutavit, cùmque acidum muriaticum illi addidisset, nulla fiebat coagulatio, vel animalis materiæ præcipitatio*; contrà verò, latex qui ab aëre exspirato colligitur, quemque minime rationi absconum est eundem ac sanguinis halitum pronunciare, viridem colorem, pro cœruleo, vegetabili infuso induxit;
addito

* Surgical and Physiological Essays; Essay 2.
p. 135.

addito etiam acido muriatico, præcipitata fuit materia filorum simillima, quæ ægerrimè in alcali puro solvebatur; neutri autem fluido insignis erat ad putrescendum proclivitas*; ad quam vero speciem sit referendus sal qui sanguinis halitu inest, nondum constat; verisimile tamen videtur, hunc ad ammoniam pertinere, quoniam nullum aliud alcali tam levi calore fit aëriforme, vel evaporatur, quamvis sales medii quidem cum vaporibus aquæ in qua solvuntur, avolant, ut experimentis Doctoris WATSON constat†.

Vaporibus jam hoc modo sublati, specifica sanguinis residui gravitas, ut experimenta JURINI, MARTINI et SCHREBERI nos docent, augetur, ratione quidem minime constanti;

* Surgical and Physiological Essays, p. 141.

† Chemical Essays. vol. ii. p. 169.

stanti; haud tamen insignis differentia deprehenditur, si animadvertatur variam certè esse futuram ponderis jacturam, pro variâ aquæ et calorigi copiâ quæ in sanguine continentur; verùm enimverò certissimum est hanc specificam gravitatem mutari, quoniam maxima de parte ex aqua conficitur, et aqua sanguine recenti, vel coagulato, longè est levior.

Opinio etiam apud nonnullos invaluit fluidum quoddam permanenter elasticum, cum vaporibus aqueis evehi, quod PLENCK quandam gasis *hydrogenii carbonati* speciem arbitratus est, et gasem sanguinis animale dicit*. Hanc autem suam opinionem, nullis ad rem institutis confirmavit, experimentis; argumenta vero quæ deprompsit a necessitate, ut opinatur,

* Hygrologia Corporis Humani, p. 43.

natur, hujusmodi providentiæ, ne animalis fabrica, premente atmosphærâ, quid detrimenti caperet, vix aliquid ponderis habere videntur, si attendatur iis, quæ de hac re in decursu sum dicturus. Ad lucem quidem redux videtur ista opinio, quæ jampridem in vulgus edita, omnino obsoleverat, et originem suam habuit in experimento quodam ab HALEs instituto; sanguine calori objecto, ita ut penitus exficcaretur, collegit, aëris vim, quæ trigesimæ tertiæ sanguinis parti par erat; hunc aërem in sanguine aliisque corporis latibus solutum opinabatur LEWENHOEK; attamen extra dubii aleam positum est, elasticum illud fluidum, in experimentis HALEs detectum, planè a sanguinis solutione sive destructiva distillatione; cui sanguis fuerat objectus, esse oriundum; id enim novimus, totam ferè solidorum vim ex quibus fluida animalia fiunt, ad aëris formam redigi posse: hoc tamen sibi persuasum habuit PLENCK, aërem cum sanguine

sanguine eodem modo confociari, ac gas acidus carbonicus aut aër atmosphericus cum aqua in qua latent, et a sanguine evolvi posse eo caloris gradu qui sanguini penitùs destruendo omninò impar est. Hoc solùm in præsentiæ est observandum, hanc opinionem quâ contenditur aërem, vel omninò liberum, vel leviter solummodò cum sanguine confociatum, per vasa meare, apprimè confirmari phænomenis, quæ exhausto parvo *recipiente*, alicui corporis parti adhibito, apparent; tumor enim qui, externo rarefacto aëre exoritur, cum iterum aër admittitur illicò subsidet; ille etiam tumor longè major fit quàm expectare fas est, cum animadvertimus, marginibus *recipientis* comprimantibus, sanguinis affluxum cohiberi.

DE

DE SERO.

HALITU, jam per aliquot minutissima temporis puncta, evaporato, sanguis in formam solidam concrefcere incipit, et talis mutatio gradatim totam massam pervadit, tuncque sanguis coagulatus esse dicitur; arctius tamen paulatim cogitur, donec paucis elapsis temporis minutis, coagulum vel pars solida, a vasis lateribus recedit, ejusque locum occupat pellucidus latex, qui contrahente solidâ massâ, fuit quasi expressus expulsusque; intereà verò, coaguli superficies minutissimis quasi aquæ guttulis scatet, quæ, gradatim mole auctâ et diffusâ, tandem laminam liquidam

dam efficient, quâ tota massa cooperitur : hoc autem fluidum serum dicitur.

Serum est viscidus, coherensque latex, cui viridis ad flavum vergens color, saporque inest salinus ; hujus gravitas specifica, puræ aquæ specificâ gravitate major est ; excessûs tamen non apud omnes eadem habetur ratio ; forsan quia diverso tempore, diversa in eodem animale est. Ætas enim, vivendi ratio, cibi natura et quantitas, multaue rerum adjuncta quæ vix dici aut excogitari possunt, seri dotes maximè afficiunt.

Si aqua frigida sero addatur, serum eâ solummodò diluitur, additâ vero aquâ ebulliente, illicò coagulatur, coagulumquè omninò idem est, ac illud quod e sero ope caloris ad gradum 156^{um} auctore CULLENO*, vel si

HEWSONI

* Institutions of Physiology, p. 196.

HEWSONI fides ad gradum 160^{um} aucti *, formatur. Alcohol, alumen, acidaque vel mineralia, vel etiam vegetabilia fortiora, eodem prorsus modo ex fero coagulum inducunt, aquâ minimè solvendum, excepto solùm eo quod alcohol ope perficitur. Albumen ovi ex variis experimentis fero simillimum videtur; coagulanda tamen ejus materies non omninò eadem esse videtur, ac illa quæ fero inest; quippe, sicut animadvertit cel. FORDYCE †, coagulum albuminis ovi, quod addito alcohol obtinetur, minimè aquâ solvi potest.

Albumen vero sanguinis, additis acidis mineralibus, phænomena sequentia exhibuit.

In solita cœli temperie, albumen fortiori acido sulphurico, post quatuor vel quinque dies,
penitùs

* Experimental Inquiry, vol. i. p. 32.

† On Digestion, p. 44.

penitus solvebatur, nisi quod paucillimum materiei cujusdam albæ in fundo vasis restabat, cujus natura non fuit explorata.

Variè, pro varia temperatura, acidum nîtricum in albumen agit. Si calor 45^{um} gradum tantum attingit, gas nullus emittitur, nulla fit solutio; si ad gradum 170^{um} augeatur, vix ulla pars reverà solvitur, evolvitur tamen gas quamplurimus, et simul conspiciuntur particulae quædam flavæ, fluido innatantes, quæ tandem vasis lateribus et collo adhærent; oleosæ indolis esse videntur, et in alcohol sunt solubiles; hinc maximum discrimen oritur materiam hanc inter et aliam quæ in um vas tenet, hæc enim in alcohol nequaquam solvi potest. Si ad ebullitionem calor augeatur, major etiam aëris vis evolvitur, parsque albuminis solvitur, et viridi-flava fit solutio.

Cum salibus alcalinis albumen sic se habet.

Si calor a gradu trigesimo ad sexagesimum admoveatur, in pura liquida potassa omninò solvitur, solutumque est rubro-fuscum, præcipitaturque materia cinereo-nigra.

Post quatuor et viginti horas etiam in pura liquida soda, penitùs solvitur, solutum prioris colore simile est; non tanta tamen ac in priore præcipitati copia, rem verò ita semper se habere reperitur, cum in salibus illis substantiæ animales solvuntur.

Si usurpatur ammonia pura, quæ a FOURCROY *verum albuminis solvens* appellatur, menses quatuor et ultra requiruntur, persistente temperaturâ ad gradum 60^{um}, ut albumen solvatur. Si in vase apprimè clauso solutio fiat, miranda quædam occurrunt omnique attentione digna; solutio, quæ est pellucida et ferè decolor, mole fuit insigniter aucta, licèt vix unquam vas fuerit apertum, ita ut nequaquàm

credibile sit eam aëris vim fuisse receptam, quæ tantum humoris contineret; probabile videtur auctam soluti molem ab albuminis hydrogenio et oxygenio esse oriundam, quæ, soluto ammoniæ ope albumine, in unum iterum coalescentia novam illicò induunt formam, majorique donantur mole. Absque dubio maximam mutationem patitur albumen dum solvitur, præcipitatum enim ope acidi cujuscumque, iterum additâ ammoniâ causticâ, solvitur. In conspectum venit etiam pulvis tenuis albusque, qui verisimiliter est calx phosphorata.

Si mercurius muriatus corrosivus paulatim fero infundatur; illicò circa particulam quamlibet colligitur coagulum flocculentum, sicque, additâ sufficiente quantitate, totum albumen coagulatur; coagulum ex albumine reverà ortum esse novi, miscendo falem cum serositate, quæ minime ab eo afficiebatur, nullamque vim

vim fal ille exercebat in solutionem gummi Arabici ; ideò compertum habeo, idem omninò præcipitatum obtineri ac illud quod alio quocunque modo obtinetur. Cum liquor aquosus, ope extracti saturni a GOULARD parati, exploratur, postquam albumen vi hydrargyri muriati corrosivi ex fero separatum fuit, pariter præcipitatur pars alia, *gelatina* nempe, postea dicenda, ac ex fero nulli experimento priùs subiecto. Oxydus mercurii ruber similem, non verò tam insignem effectum præbet, ac mercurius muriatus corrosivus ; cùm verò oxydus, quo addito fit coagulatio, primò flavus fiat, dein niger evasurus, eundem nonnihil oxygenii amittere est manifestissimum. Oxydus verò arsenici, plumbi et manganesiæ, nullam vim ad serum mutandum habuere. Potassa muriata super-oxygenata, in periculis quæ ego ipse institui, nihil etiam valuit.

Coagulo

Coagulo quod caloris ope a fero comparatur, priùs in frustula parva diviso, dein preffo, colligitur latex penè pellucidus, feri colore suo non abfimilis ; non ita tamen viscidus, qui *serositas* nomine nuncupatur, huic infunt fales et substantia quædam quam *gelatinam* dicunt.

A suo *solvente* substantia illa præcipitatur ope alcohol, in eodem iterum, ebulliente calore adhibito, solvenda ; acidis etiam mineralibus præcipitatur, minime verò acido acetoso.

Addito plumbo acetato, magna *præcipitati* copia obtinetur.

Primus omnium HUNTERUS observavit magnam quantitatem densæ cujusdam albæ materiæ, de serositate præcipitari extracto saturni. Talem etiam materiam ex aqua in qua gummi

mi

mi vegetabile solutum fuerat, eodem modo dejici invenit*.

Infuso gallarum copiosum incoherensque præcipitatum obtinetur, infusi colore tinctum.

Si in acido nitrico solvatur hæc materies, plurimum gasis evolvitur; longè verò copiosior est gas, qui ab albumine aut fibrinâ similiter tractatis effugit. Nondum patet quæ sit ejus cum aliis acidis, et alcali, affinitas.

Aquosa sanguinis pars in qua albumen et gelatina solvuntur, easdem dotes alcalinas, quæ integro fero insunt, habere reperitur; immersa in eâ chartula infuso vegetabilium cœruleo imbuta, fit viridis. Addito autem acido, nulla effervescencia locum habet, dum so-

da

* On the Blood, Inflammation, &c. p. 35.

da et acidum inter se confociantur ; unde manifestum profectò est, puram serositati inesse sordam ; prætereà, adhibitis debitis *reagentibus*, in serositate sorda muriata, calxque phosphorata detegi possunt.

DE FIBRINA.

A Fibrina * crassamenti pendet forma solida quam sanguis, qui etiam in vasis et membranis continetur, aut a corpore jam penitus est separatus, coagulando acquirit. In vasis sæpissimè crassamentum reperitur polyporum formam concepisse, qui plerumque ab ipso corde exorti, longè latèque per vasa, imprimis venas, ramulos suos protrudunt. Vix autem fieri

* Substantia hæc variis nominibus appellata fuit ; sanguinis gluten dicta, fibrina sanguinis, lympa coagulabilis, et ab HUNTERO lympa coagulans ; his omnibus anteponeus nomen huic a FOURCROY impositum, illam dixi *fibrinam* ; Philosophie Chimique, p. 149.

fieri potest, dum animal adhuc vitales carpit auras, ut sanguis in tantas coalescat moles quin ipsa obruatur vita; hos tamen polypos, persistente vitâ, locum habuisse nonnulli crediderunt. Non quidem prorsus rationi absconditur formatio polyporum parvorum, qui in variis corporis partibus ante mortem concretisse narrantur, licet vix ulla obvia occurrat ratio quomodo formari possint; illi enim parvuli polypi sanguinis cursum, quo quidem sublato, vita tollatur necesse est, minimè præpediunt. Fibrina nonnunquam quasi sponte a globulis rubris segregatur; ut in iis qui morbis inflammatoriis laborant, observatur: plerumque enim exoritur crusta coriacea de qua jam tantoperè disputatum est; minimè profectò alienus sum ab opinione cl. HEUSONI, qui hanc crustam a fibrina, quæ benevalentium sanguine inest, dotibus suis differe arbitratur. Fibrina verò quæ sæpe fuit explorata, obtinetur crassamentum repetitis vicibus abluendo,

ita

ita ut particulæ rubræ solvantur, et ab eo detergantur; aut etiam expeditiori modo, si sanguis recens-missus, baculo agitetur, hac enim ratione, colorantes particulæ cum fero mistæ a fibrina secedunt, quæ in massam fibrosam concrevit, cujus parvæ fibræ, nullâ lege servatâ, sese mutuo et quaquâ versûs implectuntur.

Fibrina ita parata, coloris fermè albi est, nullius omninò odoris, nec saporis, specificâ gravitate aquam superat; hisce verò fibrina, ratione aliorum sanguinis partium habitâ, variari observatur, pro sexu, ætate, vivendi modo, corporis statu, et forsan, methodo quâ coagulatio perfectâ fuit.

Ne minima quidem fibrinæ particula aquâ solvitur, nullaque in eam vis aquæ, nisi quâ ejus ad putrescendum proclivitati, ad tem-
pus

pus obfistat, secundùm SENAC * vel, e contra, si rectè Dr BUTT cenfeat, putrescentiam promovet †. Si autem ope machinæ, cui *Papin's Digester* nomen inditum est, superiori temperaturæ cum aqua exponatur fibrina, solvitur, nulloque, saltem quem novimus, modo, iterum coagulari potest: admoto solo calorico, aut calore sicco, fibrina mole imminuitur, fit fragilis et pellucida; aquâ dein immersa fit iterum opaca, amissasque dotes recuperat. Exsiccatum albumen easdem fortitur mutationes.

In solita cœli temperatura, fibrina acidis muriatico et nitrico commodè solvitur, aucto autem calore, majorem gasis vim acidum ni-

D

tricum

* *Traité de la Structure du Cœur*, tome ii. p. 95.

† *Dissert. Inaug. Spontanea Sanguinis separat.*
p. 26.

tricum evolvit. Substantia illa viridis *gelatinosa*, in quam, addito acido muriatico, fibrina primò mutatur, si fides ulla FOURCROY*, non in omni tali solutione est observanda, quod forsan variæ acidi muriatici conditioni est tribuendum.

Acido acetoso, vel ebulliente, paucillùm admodum fibrinæ solvitur, quæ haud secus ac substantiæ aliæ animales acidorum ope solutæ, alcali quolibet præcipitatur; additâ autem majori aquæ copiâ, iterum solvitur.

Vel sine calore solvi potest fibrina, sodâ atque potassâ aquâ dilutis, et effugit ammoniacus quidam vapor, ut manifestum fit, si charta heliotropio tinctâ, vase in quo solutio fit, supponitur. Solutio primò aliquantisper turbida

* *Elemens de Chemie*, tome iii.

turbida apparet, deinde pellucida, depositâ videlicet nigrâ quâdam materie, nempe, carbonaceâ, quæ, potassâ ad solvendum usurpatâ, copiosior observatur: ad superficiem colligitur materies quamplurima, opaca et squalidè alba, pinguedini minimè absimilis; utrum verò ignem concipiat, annon, dubium est. Fibrina videtur hoc experimento in elementa sua fuisse resoluta; pars hydrogenii et azotii inter se consociabantur ut ammonia fieret, carbonii verò et hydrogenii pars materiam oleo similem conficiebant, et magna carbonii vis penitus a vinculis suis soluta, præcipitabatur. Pars soluta addito acido nitrico, insignem flavi præcipitati copiam suppeditat.

Aucta temperie ad gradum 170^{um} vel 180^{um} , fibrina in ammonia pura solvitur; si vero frigidior sit temperies, vix ullam vim exercit ammonia.

DE PARTICULIS RUBRIS.

STRUCTURA et forma globulorum quæ in sanguine continentur, maxima cum cura et studio observatæ sunt, postquam LEWENHOEK primus microscopio usus est, ad physiologiæ latebras explorandas; sed a proposito meo prorsus alienum foret, hîc referre omnia, quæ microscopii ope de hisce globulis fuere observata, quoniam ad chemicam sanguinis historiam evolvendam nihil conferunt.

Specifica rubrorum globulorum gravitas, gravitate specificâ alius cujuslibet sanguinis partis major est.

Plerisque

Plerisque in animalibus, solidæ spherulæ sunt, in amphibiiis verò et avibus a MUYS observatæ sunt spheroidæ ; hanc formam referre HEWSONI visæ sunt * ; cel. FONTANA quoque, hæc particulas in animalibus quibus frigidior est sanguis, eâdem figurâ donatas reperit †. Quibusdam placuit has particulas fluidas esse ; sed si res sic se haberet, quum attractione centrale gaudeant, fieri non potuit quin cohærerent, quando se invicem secundum axin suum longiorem contingerent ; quoniam necesse est vim earum usque ad extremum axis majoris exeri, ut forma fervetur : inde sequitur constitutionem fluidarum globularum ab HUNTERO ‡ excogitatam ne inter se coalescant, minimè figuræ spheroidæ competere, mihique

* Exper. Inquiry, vol. iii. p. 8.

† Sopra Globetti rossi del Sangue, p. 39.

‡ On the Blood, p. 41.

mihiq̃ue igitur longè magis rationi consentaneum videtur easdem esse solidas.

Brevissimo tempore globulæ rubræ in aqua solvuntur, sique solutum probè exploratur, pauxillùm ferri oxydati continere reperientur, præter omnia etiam alia quæ in fero continentur. Defraudabitur vi suâ solvendi aqua, si sales medii in ea prius solvantur; inde igitur ratio, uti Dom^o HEWSONI visum est, ob quam in fero ipso integræ servantur*. Ad hoc ferri phænomenon, ni maximè fallor, magna ex parte conferunt albumen et gelatina, haud enim adeo insignis est in fero salium copia; res igitur potius pendere videtur ab imminuta affinitate, quæ, aquam inter et particulas rubras intercedit, propter substantias jam indicatas in ea solutas. Solutio gummi Arabici
nullo

* Exper. Inquiry, vol. iii. p. 30.

nullo addito fale medio, eâdem prorsùs virtute pollet quæ fero ineft. Quorundam illorum falium faturatæ folutiones, licèt in fingulis di-
verfa admodum effèt falinæ materiæ quantitas, eandem omninò vim habent, ut mihi experimentis conftat ; quod apprimè convenit cum opinione suprâ propofita, quod, nempè, aqua gelatinâ et albumine, jam occupata, minorem in particulas rubras attractionem, exercere queat.

Colorem rubrum globularum effe prorsùs uniformem, extra dubii aleam pofuerunt ingeniofiffima accurataque experimenta a CAVALLO instituta *. Pro microfcopio ufus eft globulis vitreis diametro variis, unde eorum pariter vis res objectas ampliandi varia, ficque
illi

* On the Medicinal Properties of Faftitious Airs, Append. p. 249. and 251.

illi multa variaque conspiciere contigit, quæ a variis auctoribus fuerant observata. Cùm igitur particulæ illæ sanguinis, quadraginta vel quinquaginta, sed minus quàm vicibus sexaginta, diametro auctæ viderentur, singulæ punctum parvulum pellucidum, in obscuro quodam annulo inclusum, ostenderunt; particularum autem diametro, magis quàm octoginta sed non plus quàm centum et sexaginta vicibus, ampliato, apparebat punctum nigrum centrale, quasi ab atramento chartâ impressum. Si plus quàm bis centum èt sexaginta vicibus, diameter ampliaretur, tunc annulus conspiciebatur spatium translucidum includens; quod Abbé DELLE TORRE, a seipso visum fuisse, narrat*. Particulæ CAVALLO globosæ videbantur, haud secùs ac HUNTERO † et BLUMENBACHIO ‡ visæ sunt.

Ut

* Nuove Osservazione Microscopice, p. 83.

† Institutiones Physiologiæ, § 14. p. 12.

‡ On the Blood, p. 41.

Ut CAVALLO certior fieret, suas observaciones nullo fœdari errore, rem ad experimentum adduxit. Sibi pro objecto comparavit globulos vitreos minutissimos, et ad sanguinis particulas imitandas prorsùs idoneos, qui, ut certe noverat, omninò solidi atque homogenei fuerunt, meritò ratus, si particulæ rubræ ejusdem omninò consistentiæ sunt, et varia jam memorata phænomena propter varias reflexiones exhibuere, idem etiam vitreos globulos esse effecturos : eventus spem et expectationem non fefellit. Usurpato enim globulo cui prima inerat ampliandi vis, punctum centrale apparuit; quodque etiam magis est mirandum, cùm globulus, inclinato disco, movebatur, punctum etiam ab uno latere ad alterum transibat : formam etiam annuli observavit microscopiis usus, quibus eadem vis erat ac illis

E

quorum

quorum ope, annulus in sanguinis particulis
visus fuerat *.

Haftenus nullam mentionem feci de sanguinis resolutione, uti evenit antiquiore operandi modo adhibito ; scilicet, admoto calore, primùm leni, postea gradatim augendo donec intensissimus fieret. Processus hicce *distillatio destructiva* appellatur, nec immeritò, quippe inde corpora prorsus disturbantur, adeò
ut

* Non abs re erit observâsse vim microscopii HEWSONI penè eandem fuisse, cum vi globulorum quorum ope vesiculæ in CAVALLO experimentis apparaverunt, globulosque Abbé DELLA TORRE, quibus deficiente debitâ claritate uti minimè poterant, 200 excedisse, erant enim 680, 1280, &c.

ut omnes ferè animalis partes eadem principia effundere videantur, nec quidem interfese, nisi horum ratione principiorum, differre reperiantur ; fat ergo erit sanguinis integri distillationem exhibuisse, ut singularum partium indoles, quantum hâc ratione detegi potest, patefiat.

Si sanguis igitur igni committitur, inclusus vase idoneo, cui *recipiens* fuit accommodatum, primò colligitur phlegma, in quo solvitur maxima vis salis ammoniaci, qui ex acido empyreumatico ammoniâ saturatissimo conficitur ; dein exoritur oleum leve, postcâ oleum ponderosum, crassum coloratumque. Simul cùm ammonia carbonata manet in vaso carbo spongiosus, qui ægerrimè cinefit. Cineres verò constant ex soda muriata et carbonata, calce phosphorata, ferroque oxydato*.

Si

* FOURCROY, Elemens de Chemie, tome iii.

Si ferum solum hoc modo examinatur ; eadem omninò, sed odore foetidissimo inquinata obtinentur, et residuum insignis admodum voluminis est ; in eo etiam omnia, quæ in fero ipso, si ferrum oxydatum excipias, continentur. In istorum enim ita calori subjectionum residuo, postquam probè abluta fuerunt salina, præter carbonem, continetur oxydum intensè fuscum, quod *magnete* fortiter attrahitur. RHADES in suis experimentis reperit talis oxydi grana decem cum dimidio, vel $\frac{1}{503}$ partem, ex unciis sanguinis undecim, relictam fuisse ; in experimentis verò MENGHINI ratio erat 1 : 100 ; hæc autem ratio variare debet, pro varia rubrarum particularum quantitate, quas novimus plures esse in hoc quàm in altero *individuo* : eadem omninò principia reperiébuntur in fibrina, quæ in fero, præter sales fixos qui fibrinæ defunt. Non eâdem temperaturâ coagulantur gelatina, albumen et fibrina ; maximo caloris gradu

du ad coagulandum egit gelatina, quæ minimè est *animalifata*, minimo autem fibrina; omnia hæc præcipitantur, vel coagulantur, ab alcohole, alumine, acidisque mineralibus; est et eadem in omnes has partes acidi nitrici vis. Notabilia quædam hîc occurrunt; dum nempe in hoc acido fortiori solvuntur res illæ, evolvitur fluidum elasticum, quod reperitur esse gas azoticus. Fibrina hujus fluidi maximam quantitatem offert, gelatina minimam; et observari debet, parem esse rationem ammoniæ ab illis per distillationem eliciti; aucto calore, post avolatum azoticum, gas nitrosus evolvitur, et in fundo vasis nil fermè, præter acida malicum et oxalicum, restat. Cel. BERTHOLLET demonstravit gasem azoticum genitum ab animalibus substantiis, non ab acido nitrico, oriri, quoniam eadem potassæ quantitas ad saturandum acidum cujus opeolutio fuit perfecta, quæ, ad parem ejusdem
acidi

acidi puri portionem saturandam, requiritur.

Quidam inter Gallos contendunt, gelatinosam feri materiam dotibus suis prorsus esse similem ejus, quæ ab aliis animalium partibus, aquâ bulliente, extrahitur. Hoc tamen inter utramque discrimen intercedit, quod altera extracto plumbi præcipitari potest, altera minimè. Gelatina quæ a partibus solidis extrahitur ope infusi gallorum præcipitata, calidâque abluta, eam assumit formam, quæ cori est simillima. Gelatina verò, quæ, eodem agente adhibito, a sanguinis fero obtinetur flosculosa incoherensque est.

Quod, solido muscolari probè abluto coctoque, remanet, inquit FOURCROY, fibrinaque sanguinis, eadem planè phænomena obtulerunt in unoquoque experimento, cui ea obje-

ci*. Si autem liquidâ potassâ eorum indoles exploratur, nonnihil inter se discrepant; pars enim prioris tantula solvitur, et paululùm carbonati præcipitati habet, quodque non solvitur, superficiem petit pristinam suam formam fervans; soluti etiam color a fibrinæ colore differt; est enim fusco-ruber.



Quæ retuli de vi variorum chemicorum agentium in substantias quæ in sanguine continentur, deprompta sunt præsertim, ex accuratissimis quamplurimis experimentis a Domino ALLEN institutis, ut animalis materiei indoles

* Histoire de la Société Royale de Medicine, pour an 1783.

doles exploraretur; quæ ad rem faciebant, vir præstantissimus lubens obtulit ut mea fierent. Cætera pleraque ex FOURCROY excerpti.

PARTIBUS



PARTIBUS, ex quibus sanguis componitur, descriptis, nunc animus advertendus est ad illas mutationes, quæ, agentibus quibusdam externis, inducuntur; nec non ad illas quæ oriundæ videntur a vi quam ipsæ sanguinis partes in se invicem exercent, cùm in clausis vasis detinentur.

Sanguinis humani temperies planè satis est, quæ non aquam tantùm, sed solidiores etiam sanguinis partes ad gasis formam reducat, ut fluido elastico a cute pulmonibusque exhalato demonstratur; utrum verò a superficie stagnantis sanguinis evolvatur gas, nul-

lo *agente* chemico, præter caloricum, admoto, quo combinationes internæ mutantur, annon, nondum manifestum est. Minimè enim assentior opinioni Doctoris PLENCK, qui arbitrat, gasem acidum carbonicum et aquam, quæ colliguntur in vase in quo sanguis oxygenio exponitur, probare gasem *hydrogenium-carbonatum* inde abigi * ; neque ex eo quod fabrica animalis, premente atmospheræ pondere, nullum capit detrimentum, judicandum mihi videtur, quidquid contra de hac re senserit vir ille celeberrimus, vasis corporisque cavis necessariò inesse quoddam fluidum renitens † : talem enim providentiam minimè requiri manifestum videbitur, cuilibet animadvertenti corpus

* Hygrologia Corporis Humani, p. 43.

† Idem, p. 44.

corpus circumambiri et undequaque æqualiter premi ab atmosphæra in qua mergitur. Nos verò ferre pondus par parti aëris, quæ nobis impendet est certissimum *, licèt rem ita non esse propter atmosphæram æqualiter prementem quidam contenderint. Premente illo pondere nihil incommodi patimur, verisimiliter consuetudine factâ, nam semper hic idem præsens est sensus. Si quid autem detrimenti inde oriretur; minimè repletis fluido elastico

vafis

* “ Corpora, fluidis, immersa, ab iis undiquaque
 “ premuntur, eoque magis, quò profundius demergun-
 “ tur.”

VAN SWINDEN, Positiones Physicæ, vol. ii. pag. 25.

“ Si corpus in fluido demergatur, et fluidi pressio
 “ undique æqualis sit: figura hujus corporis minimè
 “ mutabitur, dummodo corpus sat validum sit ad illam
 “ pressionem sustinendam. Idemque obtinet, si corpora
 “ in magna profunditate demergantur.”

Idem, pag. 26.

vasis foret avertendum; idem enim nunc dicendum est *de solido* quolibet in variis directionibus perforato, si in fluido mergatur; partes enim quæ inter duo aëris strata premuntur, in eadem planè sunt conditione ac totum corpus, necesse est ut partes quæ interjacent, pondus atmosphæræ ferant. Si nervis essent donatæ, dolor aut sensus ingratus certissimè oriretur. Nonnihil inde confirmatur opinio nostra, quod Dr HALLEY in machina quæ *Diving Bell* est dicta, pondereque plurimarum atmosphærarum pressus, nihil ingrati percepit, nisi sonum, quasi siquid in ejus auribus fractum fuisset *. Ad vasa aperta servanda non certè aër

* Præter consuetudinem factam, minimè enim pressui quem patiebatur HALLEY erat assuefactus, manifestum est, nos pressum minùs fore percepturos, si toti applicatur corporis superficiei, quàm si alicui tantum ejus parti, vel etiam quàm si ad pondus ferendum musculorum actio foret necessaria.

aër requiritur, ut contendit SENAC* ; semper enim illis inest fluidum, quod vix comprimì potest, nullumque omninò datur vacuum in quod, premente aëre, ab arteriis et venis abigatur.

Illustr. MONRO probare conabatur aërem cum animalium sanguine mistum circuitum facere ; concludit nempè quod, sublato atmosphærae pondere, si aër præsens esset, expanderetur : canis arteriarum carotidem, quam duobus filis antea ligaverat, ita ut sanguis ex ea effluere non possèt, abscidit, et in aquam ab omni aëre liberam projecit. Arteria sanguine plenâ fundum petiit, donec, exhausto recipiente, quod antliæ pneumaticæ fuerat impositum, ad superficiem ascendit. Huic conclusioni objecit clarissimus DARWIN, aërem

non

* Traité du Cœur, tome ii.

non a fanguine fed a membrana cellulofa quâ arteria veftiebatur, quæque non fuerat remota, effe oriundum ; et opinionem fuam experimento confirmaturus, adhibuit venam jugularem, quam ab omni membrana cellulofa liberaverat ; vena in hoc exemplo fundum petiit, nec, exhausto aëre, locum fuum mutavit *. Quoniam verò ad hæc duo experimenta fanguis fuerat ufurpatus cui dotes erant diverfæ, Doctor HAMILTON † eadem iteraturus, arteriam carotidem et venam jugularem ex eodem animale fibi comparavit, et invenit quòd, fublato aëris preffu, telâ cellulofâ non diffeâ, ambæ ad fuperficiem innatabant ; eâdem verò fublata, ambæ fundo vafis hærebant.

Omnia

* Philosophical Transactions, vol. lxiv. p. 345.

† Differt. Inaug. de Sanguine Humano, p. 23.

Omnia verò experimenta quæ ad hunc usque diem instituta fuere, maximâ premuntur difficultate, quâ fit, ut imparia omninò evadant huic solvendæ questionî; utrum sanguini insit gas aliquis *liber*, aut saltem aliqua gasis basis, ita formæ gasis proxima, ut solito fluidorum, quibus commistus vel solutus circulat, sublato tantùm pressu, evolvatur? Bene notum est, aquam, ad gradum 212^{um} calefactam, nihil vaporis esse emissuram, si pondere certo prematur ejus superficies; imminuto autem pondere quo solebat premi, longè minore caloris gradu applicato, in aquosum gasem conversum fore: ita fieri potest, ut renixus mechanicus chemicam combinationem, a qua fluidorum ad statum aëriformem mutatio pendet, præpediat*; hunc verò renixum fortiores vasorum

* Hæc scientissimè elegantèrque admodum Professor ROBISON, in suis de Philosophia Naturali academicis prælectionibus, evolvit; nonnullæ etiam de eâdem re animadversiones

vaforum tunicæ in quibus fanguis continebatur, obtulere. Si itaque in experimentis supra descriptis renixus fuisset imminutus, incertum tamen restaret an ab aquoso gase formato,

animadversiones reperientur in præstantissimo Encyclopædiæ Britannicæ articulo cui titulus *Steam* est, quemque vir idem clarissimus scripsit. Non possum quin hæc transcribam sequentes observationes :

“ The laws which regulate the formation of elastic vapour, or the general phenomena which it exhibits, give us that link which connects chemistry with mechanical philosophy. Here are seen chemical affinities and mechanical forces, set in immediate opposition to each other, and the one made the indication, characteristic and measure of the other. We have not the least doubt that they make but one science, the science of universal mechanics ; nor do we despair of seeing the phenomena of solution, precipitation, crystallization, nay, animal and vegetable secretion and assimilation, successfully investigated, as causes of local motion, and explained by the agency of central forces.”

Encycl. Britan. article *Steam*.

mato, an ab extricato aëre ascensus penderet. Aqua enim quâ DARWIN, et verisimiliter alii, licèt de hac re nullam mentionem faciant, usi sunt, ad caloris gradum circiter centesimum calefacta fuit; hâc verò temperaturâ, ut experimentis acutissimi amici mei JOANNIS DALTON constat, si rarefactio ad 15.2 deven- rit, vel superficies prematur pondere pari co- lumnæ mercurii 1.97 policibus altæ, aqua va- poris formam induit *. Hinc minimè absur- dum est supponere, nisi quidem vasorum tuni- cæ admodùm distentioni obstarent, easdem fu- isse distentas vaporibus aquosis; unde tota mas- sa, vas scilicet cum contentis, levior ob mag- nitudinem auctam certè ad superficiem eleva- retur. Prætereà dubitari etiam potest, an gas qui in tantula sanguinis quantitate contineba-
G tur,

* Meteorological Essays and Observations, p. 134.

tur, fatis foret, qui suâ levitate specificam sanguinis ipsius, et arteriæ vel venæ gravitatem specificam vinceret. Præfens autem fluidum permanenter elasticum, hoc solummodo detegi potest, si sanguis illicò perfectissimo, quod pneumaticâ machinâ effici possit, exponatur vacuo, et deinde aquam patiamur in *recipiens* irruere. Ita enim manifestum esset, num gas merè aquosus, num aër permanenter elasticus, emissus fuerat, quippe prior illicò in aquam denuò condensatus evanesceret, alter adhuc elasticitatem retineret, et ejus natura postea explorari posset, an scilicet aër esset verè atmosphæricus, an indolis planè diversæ.

Hæc experimenta retuli, fusiùs que expendi, quia planè mihi videtur auctores plerisque ad rem de qua nunc agitur non probè animos attendisse: Propter insignem aëris copiam in exhausto *recipiente* evolutam, imprimis

mis verò propter acidum carbonicum a cute, manu mércurio immersâ, avolans*, cujus profectò nulla alia origo quam ex sanguine ipso esse potest †; dein etiam propter auctam ejusdem

* ABERNETHY's Surgical and Physical Essays, p. 113.

† Cùm pura soda sanguini insit, rem leviter attendenti vix credibile erit acidum carbonicum etiam eidem inesse. Ut autem nodus ille solvatur, vix quidem confugiendum est ad Domi. ALLEN hypothesin, quam certè veri ab similem non dixerim, quâ contenditur carbonem non penitus oxydari, nisi postquam ad pulmones venit*; fieri enim potest ut acidum carbonicum ita cum ferro consociatur, ut sodam penitus recuset: Eodem omninò modo ac acidum carbonicum, quod atmosphærâ solvitur, nec tamen tincturam Heliotropii afficit, quæ additâ aquâ acidî $\frac{1}{22386}$ am partem habente, auctore BERGMAN, rubescit.

* Lectures on the Animal Economy.

ejusdem acidi quantitatem, cùm pars in clauso vase quolibet aëre circumfuso, est collocata, quippe minùs premitur *: circumstantibus fluidis aëriformem inesse materiem ratus, effectus qui, illâ avolante, necessariò exoriuntur, examinare sum aggressus; et conclusi forsan materiei aëriformis dissipatione, nonnihil ad sanguinem coagulandum conferre: quibus verò argumentis hæc nitatur conclusio, et quas partes materia hæc elastica agat, proximè sum dicturus.

DE

* ABERNETHY's Essays, p. 119.

DE COAGULATIONE ET SPONTA-
NEA SANGUINIS SEPARATIONE.

Aggrediar, non tam perficiendi spe, quàm experiendi voluntate.

CICERO.

Primò explorandum, quænam conditiones variantur, dum sanguis in vas emissus formam solidam induit, et in ferum et crassamentum separatur, ac dum per corporis vasa movetur.

Quies prima obvia est mutatio cui sanguis e vena missus objicitur, et soli igitur quieti, ut omninò manifestum est, sanguinis co-
agulatio

agulatio fuit tributa ; res verò ita se habere minimè potest : nullo enim, vel etiam majore motu, quàm cui sanguis, dum circuitum perficit, objicitur, sua sanguini liquida forma servari potest : contra verò, sanguine perturbato atque agitato, fibrinæ pars firmiùs concrefcet, quàm si fui juris facta concrevisset ; pars hujus haud exigua fero soluta, remanet nequaquam solâ *expositione* posthac coagulanda.

Res etiam soli diminuto calori non est tribuenda ; nam si vel ad glaciei gradum immuta sit temperies, sanguis non coagulatur, sed congelat ; fluidus verò, aucto calore, iterum factus, coagulat. Id etiam observatum fuit, quò magis a solita corporis temperatura recessit vel imminutus vel auctus calor, donec ad gradum 114^{um} vel 120^{um} pervenerit, eò lentius sanguinem fore coagulaturum.

Neque

Neque etiam fluida sanguinis forma, non admisso atmosphærico aëri est tribuenda; sæpissimè enim coagulatio locum habet sub iis conditionibus sub quibus liber aëri aditus præcluditur. Imò non tantum est discrimen inter sanguinem in venis contentum et sanguinem e venis effluxum, quantum quis sibi finxisset antequàm cel. PRIESTLEY reperiit similes omninò mutationes sanguinem vesicâ inclusum subire, quas aëri immediatè objectus subiturus esset. Si, ut HUNTER contendit, sanguis non solum nigrescit, sed etiam citiùs coagulatur in *vacuo* quàm pleno aëre *, aër profecto minimè est appellandus, ut placuit HEWSONI, *validissimum coagulans*. Coagulatio igitur quæ sub Jove fit, ab aliis necessariò pendet causis; nullus tamen est, si rectè noverim,

rim,

* On the Blood, p. 22.

rim, præter HUNTERUM*, qui phænomenon suprâ memoratum observaverit; PLENCK †, e contra, et JACQUIN ‡, ambo afferunt sanguinem lentiùs in *vacuo* coagulari.

Nonnulli vim coagulandi quâ fit, ut sanguis atmosphæræ objectus brevi coaguletur, oxygenio tribuerunt; forsan quia in plerisque naturæ processibus, gas oxygenicus maximas agit partes. Experimenta sola, in quibus animus ad tempus et alia coagulationis phænomena fuit adversus, a LUZURIAGA et GIRTANNER sunt instituta. Sanguis arteriosus a LU-

ZURIAGA

* Experimental Inquiry, p. 21.

† Hygrologia Corporis Humani, p. 35.

‡ Elements of Chemistry, p. 322.

ZURIAGA in vas, cui inerat gas oxygenicus, immiffus, lentè admodum coagulabatur, nulla-que erat poft quatuor et viginti horas feri fe-
paratio * ; fi autem cum gafibus azotico, ni-
trofo et acido-carbonico includeretur, expedi-
tiffima erat coagulatio ; eadem erat gafis hy-
drogenici vis, quæ oxygenici, ad fluidam fan-
guinis formam fervandum, ut ex HAMILTONII
experimentis etiam colligere fas eft. Idem
ferè fuit experimentorum GIRTANNER even-
tus, qui ea ferè eodem modo ac LUZURIAGA
inftituerat : fanguis venofus gafibus oxygenico
et hydrogenico objectus, lentiùs coagulabatur,
quàm qui gafibus azotico nitrofo et acido car-
bonico fuerat expositus † : eodem omninò

H

modo

* Differtatio Inaug. de reciproca fyftematis fangui-
nei et nervofi aétione, p. 54.

† Journal de Phyfique, tome xxxvii. 1790.

modo sanguis arteriosus se habebat ac venosus.

Nihil certi nos docent hæc experimenta de vi quam aër atmosphæricus in sanguinis coagulationem exerit, quoniam, nisi novis dotibus est donatus, per chemicam combinationem, quam oxygenium inter et azotum ineffe probare aggressus est illust. MORVEAU*, id tantùm efficiet, propter oxygenium quod habet, ut lentior evadat coagulatio; non enim videtur tanta azotii vis coagulandi, quæ contrariam oxygenii vim vincat: inde saltem indirectè probatur accuratissima fuisse HUNTERI experimenta, ubi defuere et gas azoticus et oxygenicus.

Quoniam

* Encyclopedie Methodique, art. Air.

Quoniam quies, imminutus calor, *expositio*, saltem quantum atmosphæricum aërem admissum significat, amissæ sanguinis fluiditatis postquam e vasis missus est, sufficientem rationem reddere non valent, mihi phænomenis planè congruum apparet concludere, coagulationem *expositione* expediri, avolante videlicet elasticâ quâdam materiâ, quæ, præfente solito pressu quem in vasis sanguis patitur, chemicè cum fibrina consociata remanet; unde idonea fit, quæ solidam seu fibratam crystallinamque formam assumat: jam suprâ mentionem feci de vi pressûs ad chemicas calorigi et aquæ combinationes modificandas, neque minùs obvia videtur hujus vis in fluida permanenter elastica, e quibus vehementer compressis, calor quamplurimus extricatur, fitque liber seu sensibilis; cùm verò sensim ad *medii* temperiem aër compressus descenderit: si exitus ei offeratur, dum expanditur aër, frigus gignitur, seu calor absorbetur.

Evolutus

Evolutus *comprimendo* calor, non exprimitur tanquam aqua a spongia, sed turbatis legibus affinitatis quibus concatenatus erat, fit liber. Qui aërem fixum cum aqua miscet, adhibito pressu vehementissimo, majorem aëris copiam absorberi reperiet; remoto pressu affinitas imminuitur, paulatimque aër absorptus elasticam suam formam iterum induit, et avolat. Simili modo, ut mihi videtur, pars sanguinis quæ, vasorum, vel vasorum simul et atmosphæræ pressu remoto, fit aëriformis, aliàs confociata cum eo detinetur. Neque ego etiam huic parti vim repellentem tribuerem, ut quibusdam placuit: hoc solummodò arbitror, particulas quibuscum conjungitur aër, præter sphæram suæ attractionis teneri, vel omninò esse in statu, tam bene descripto in egregia Patris BOSCOVICH Theoria, ubi curvæ earum vires denotantes rectâ secantur*. Hanc explicationem

* Theoria Philosophiæ Naturalis.

plicationem solùm ad particularum fibrinæ, non ad aliarum sanguinis partium dispositionem refero. Ægerrimè enim invenitur qualis sit earum cum fero et globulis rubris affinitas ; verisimile tamen est, quoniam serum et fibrina vel in liquida sua forma imperfecta sunt fluida vel viscosa, quæ alia corpora apprimè appetunt, cùm permiscantur forsan fibrinæ coalescentiam impediri. Ipsa etiam difficultas quam experimur in particulis rubris a crassamento separandis, dum eas aquâ abluimus, confirmat hanc opinionem ; nempè, aliquam inter ea adesse attractionem, licèt tenax insolubilisque fibrina ad hoc etiam nonnihil conferat.

De vi repellente, cui scriptores nonnulli spontaneam feri a coagulata massa separationem tribuere, hoc tantùm animadvertam, rem reverà phænomenis non indicari. Positâ quidem solâ mutuâ vi repellente, separatio effici potest ;

potest; sed certissimè coagulatio, quæ mutationum est principium, nunquam locum obtineret: quid plura? fluidum cum altero, cujus major est densatio, cuique vis est repellens, diffundi minimè potest, nisi sub forma parvularum sphaerarum: nihil verò hujusmodi, si particulas rubras excipias, in sanguine visum fuit; minimè ergo talis vis repellens admitti potest. FERNELIUS quidem, MALPIGHIVS et alii, credebant inesse liquido sanguini minutissimas elasticas fibras; hanc autem doctrinam funditus subverferunt argumenta BORELLI, et HALLERI observationes. Si animum ad parvula globosa feri puncta, quæ a crassamento exprimuntur attendas, ea ita in contactu cum plano cui imponuntur esse reperiēs, ut minimè splendida videantur, cum aliter, propter insignem reflectionem, interjecto scilicet aëre, qui est medium longè rarius, splendescere deberent. Splendor de quo locutus sum, manifestissimū est

est in aquæ guttis qui foliis brassicæ insident, et a MELVILLE tribuitur aëri interposito inter superficiem folii et inferiores guttæ partes, quæ per mutuam repulsionem separantur*. Ex omnibus igitur supradictis, adducor, ut credam, spontaneam separationem pendere a fibrinæ particulis gradatim coëuntibus, expelliturque serum agente fortiori, quâ sese mutuò appetunt, attractione.

Hæc rei expositio, lubens fateor, difficultatibus obnoxia est; hanc igitur hypothesein solummodò ratus, mihiq; multùm diffidens, cæteris quæ jam de hac re in vulgus editæ sunt, ideò tantùm anteponendam sum arbitratus, quia plura complectitur phænomena, licèt omnibus evolvendis omninò impar sit.

Maximam

* Physical and Literary Essays, vol. ii. p. 26.

Maximam difficultatem affert sanguinis in tali rerum statu coagulans, in quo is certè adest pressus, qui ad fluidam sanguinis formam fervendam planè sit idoneus ; verùm enimverò minimè inficiandum est sanguinem, nonnunquam in clausis corporis cavis, in sectorum vaforum extremis quæ illicò clauduntur, continenter autem in reficiendis vel restaurandis firmioribus corporis partibus, solidum fieri : quæcunque verò sit difficultatis vis, non minor certè eadem videtur adversus eorum sententiam qui, libero ad sanguinem aëri patente aditu, coagulationem integro aëri atmosphærico, vel ejusdem parti alicui planè tribuunt. Longè tamen leviora evadent quæ inde adversus utramque opinionem erui possunt argumenta, si animadvertatur soliditatem quæ in quibusdam, aut forsan in singulis illis casibus occurrit, non planè eandem vel ejusdem indolis esse, licèt eodem prorsûs vocabulo *coagulatione* hæc significetur mutatio ; ut enim ab HEW-

SONE fuit observatum*: Præter hanc mutationem, aliam etiam, sublato tantum motu, coloris nempe mutationem pedetentim subit sanguis, quæ manifestò ex partibus sanguinem componentibus, in se mutuò agentibus, pendet: Sic observavit HASSENFRATZ, quod sanguis omninò floridus quem in tubum vitreum accuratè clausum priùs immiserat, paulatim eundem fuscum colorem, quem addito *acido muriatico oxygenato* illicò obtinere consuevit, affectus est†. Elapso autem quodam tempore, ut FOURCROY animadvertit, talis propter internas mutationes nigrities exoritur, qualis, dein ad-

I

dito

* “ The blood is coagulated merely by being at rest
 “ in the veins, but then in this case it coagulates in a
 “ different manner from what it does in the basin.”

Exper. Inquiry, vol. i. p. 21.

† Annales de Chimie, tome ix.

dito oxygenio, minimè est removenda* : Utrum autem hydrocarbonatæ materiæ sejunctio, quæ fit, oxygenio arctiùs confociato, (quod quidem, secundum LAGRANGE et HASSENFRATZ, dum sanguis coccineus remanet, in eo tantùm solvitur †,) mutationem hujus similem quam antè ab iisdem partibus omninò remotis oriundam descripsi, inducit, necne, pronunciare non audeo, ne evolvendum sit hypotheseon agmen ad tuendam hypothesein cujus gratiâ plura forsitan quàm par est jam dicta sunt ; res igitur ad experimenta est adducenda, quia non verbis sed factis detegitur natura.

NON

* *Medecine Eclairée*, tome ii. p. 322.

† *Annales de Chemie*, tome ix.

Non prius argumentum hoc dimittam, quàm
pauca animadverterim

DE ANALOGIA QUÆ EST INTER SAN-
GUINIS COAGULATIONEM ET MUSCU-
LORUM CONTRACTIONEM.

HUNTER et GIRTANNER, diversa admodum
sibi proponentes, aggressi sunt probare, analo-
giam esse inter contractionem musculorum et
fibrinæ consolidationem; res quidem vix dis-
cussione digna; densissimâ enim caligine ad-
huc involuta illa phænomena ad conclu-
sionem certam viam aperire nequeunt, nisi *ob-*
scurum per obscurius illustrare conaremur.
Maximi tamen intererat HUNTERI ut illa ana-
logia planè probaretur, quippe qui contende-
rat vitam sanguini inesse. HUNTERI tamen
experimenta

experimenta minimè rem probant, faltem me judice, imo aliquando hujus opinioni adversari videntur. Sanguis, stimulis objectis, aëre videlicet alcohol, &c. coagulatur; muscoli, iisdem agentibus applicatis, contrahuntur; usquedum analogia rejeci non potest. Sed fortiùsne, sublato aëre, musculus contrahetur? aut nunquid citiùs coagulabitur sanguinis massa, si ligneis vel metallicis spiculis pungitur? Si ad hæc quæsitæ respondetur perdita est analogia. Musculo contrahente certissimè particularum ejus dispositio, et verisimiliter chemica ejus compositio mutationes patiuntur: licèt etiam violentissima contractio, proindèque maxima fuerit mutatio, brevi relaxatur musculus, et ad pristinum statum redit; mutatio itaque, quæcunque fuerit, non constans sive permanens evadit. Si verò fibrinæ pars stimulo obtemperavit vel coagulavit, in eodem statu restat, nec mutatis conditionibus mutatur; minime enim solvi potest, licèt immergatur
fero,

fero, calefiat, agitetur vel ab atmosphæra secludatur. Quoniam igitur nunquam fibrina, remotâ vi coagulante, suam formam fluidam resumit, cùm e contra relaxatio post contractionem proprius est muscularis actionis character, minimè possumus HUNTERI doctrinæ assentiri.

Mira profectò est HUNTERI argumentandi ratio : cùm toto pectore incumbibat ut *vitalitatem* sanguini inditam esse probaret ; sanguinis coagulatio, quæ sanguine aëri, quem stimulum arbitrabatur, objecto, fiebat, ei argumento fuit quo doctrinam suam tueretur : cùm verò alibi, sanguinis dotes præter meram ad agendum *idoneitatem* extendendæ ei videbantur, judicabatque sanguinem in se ipsum vim agendi habere, tunc reperiit sanguinem, sublato hoc priore stimulo, longè citiùs in contractionem cieri, vel *coagulari*.

Hanc

Hanc analogiam defendere conatur GIRTANNER, neque minùs fibimet contradicit *. Injeçtis variis gasibus in animalium vasa, post eorum mortem reperiit irritabilitatem maximam esse in iis quibus oxygenium fuerat infusum, eandem verò penitùs sublatam ubi hydrogenium : hoc etiam gase sanguinis *idoneitas*, ad coagulandum debilitatur ; inde illico intulit fluidorum coagulationem iisdem regulis, quibus regitur musculorum solidorum irritabilitas ; oblitus prorsùs oxygenium et hydrogenium, ut ipsius constat experimentis, eandem omninò vim in sanguinem exercere, contrariam vero in musculorum *contractilitatem* habere.

Nulla instituta sunt experimenta, quibus certè nosceretur, an constans densatio musculorum quam Dr BLANE describit, etiam in fibrina
locum

* Journal de Physique, t. xxxvii. pour l'an 1790.

locum habeat ; accuratis experimentis detexit magnitudinem musculi, dum contrahitur, minimè imminui *, sed inorganicas materies, videlicet gummi *cavutchouc* dictum, elongatione et decurtatione molem insigniter mutare †. Si talia de sanguine instituerentur experimenta, inde aliquid profectò certioris, quàm alio quolibet modo, ad evertendam vel stabiliendam analogiam hanc, erui posset, quoniam eorum eventus manifesti essent, et ab errore immunes.

DE

* Philosophical Transactions; Croonian Lecture for 1788, p. 14.

† Philosophical Transactions for 1788, p. 11.

DE OXYGENICO GASE ET SANGUINE, IN
SE MUTUO AGENTIBUS.

AD hoc argumentum ritè investigandum, præcipuum est vires explorare quas sanguis et gase in se mutuò exerunt. Imprimis vires aëris ipsius atmosphærici, seu aërum ex quibus componitur singulatim adhibitorum. Si reverà sanguis, dum pulmones aut capillaria arteriarum externa vel venarum principia permeat, vim aëris atmosphærici minimè effugit qui in eum, eodem omninò, licèt forsan non ita facili modo, agit, perspicuum est certissimam methodum de effectibus respirationis inquirendi eam fore, quâ sanguis e corpore missus iisdem *agentibus* objiceretur

objiceretur, quæ in eum dum, in corporis vasis continebatur, aliquid valebant.

Quoniam experimentis manifestum est, integrum atmosphæricum aërem ex gasibus oxygenico et azotico confectum, sanguinem afficere, et ipsum a sanguine etiam affici, eodem omninò modo, gradu tamen diverso, ac oxygenium sub iisdem conditionibus positum; oxygenii referam dein azotii effectus, cum sub aëris forma adhibentur, *compositi* effectus silentio prætermittens.

Sanguis venosus fuscus gasi oxygenico objectus, animadvertente PRIESTLEY, arterialem sibi comparabat colorem, semperque *depravatus* remanebat aër, quod PRIESTLEY addito phlogisto tribuebat; idem omninò exoriebatur effectus, objectis variis crassamenti frustu-

K

lis,

lis, hoc post illud, quæ per viginti et quatuor horas exposita remanebant *.

Animadvertit FONTANA, oxygenicum gasem, sanguine cum illo incluso, fieri pejorem; mole etiam suâ minui in uno periculo, in quo sanguis arterialis, per mercurium ad sanguinis temperiem calefactum oxygenio transmittebatur: omnibus per tria temporis minuta agitatis, gas $\frac{1}{4}$ parte imminutus erat †: alia sunt tamen experimenta, quorum eventus huic planè contrarius est, licèt ipse auctor minimè, quàm parum sibi consonarent, advertisse videatur; in quodam experimento, parte circiter quintâ aucta fuit moles; admotâ dein aquâ, misturâque concussâ, ad pristinam molem rediit aër; in alio, mensuræ ex 14 ad $15\frac{1}{2}$ assurgebant, postea
verò

* Philosophical Transact. vol. lxvi.

† Opuscoli Scientifici, p. 34.

verò cum aqua ablutæ ad 14 reductæ, imò
pristinæ suæ molis $\frac{1}{15}$ imminutis erat aër*.

Experimenta clar. GOODWYN probant mo-
lem gasis oxygeniei imminui sed non eâdem
ratione quæ supra proponitur†: In GIRTAN-
NERI experimentis, mercurius sex vel octo
lineas ascendisse dicitur.

Longè

* Opuscoli Scientifici, p. 63.

† “ I inclosed a quantity of dephlogisticated air in
“ a glass-receiver inverted in quicksilver, and intro-
“ duced into it four ounces of blood fresh drawn from
“ the jugular vein of a sheep: the blood became in-
“ stantly florid, and after several minutes the quick-
“ silver ascended two or three lines.”—On the Connec-
tion of Life with Respiration, p. 61.

Longè magis etiam moles imminuta fuit in experimento a Dm. DAVY descripto*. Sanguis a vena mediana benè valentis hominis effluens, in vas gase oxygenico repletum receptus est; vas dein arctè obturatum est; post dimidiam horam elapsam, vas hocce sub mercurio aperiébatur, tuncque irruente mercurio patuit tertiam gasis partem evanuisse. Residuum continebat pauxillum gasis acidì carbonici.

Sanguis, ab ovis arteria carotide et vena jugulari missus, in duo vasa, gasè oxygenico plena, recepiebatur; pluribus elapsis horis, gas acidus carbonicus fuit detectus, cùm gasè in utroque vase contento permistus; aqua verò calcis turbidior fiebat, admisso aëre, qui cum sanguine venoso fuerat inclusus, quàm qui sanguini arterioso incumb-

bat.

* BEDDOES' Medical Contributions, p. 131.

bat*. In plurimis aliis hujusmodi experimentis, gas acidus carbonicus identidem fuit detectus.

His omnibus mutationibus, agente oxygenio, locum habentibus, non videtur, ut ex ingeniosissimis accuratèque a Domino PICTET institutis periculis, concludere fas est, ullum evolvi caloricum; indè probabile est, acidum carbonicum potiùs separari, vel ut ita dicam *fursum præcipitari*, quàm reverà confici†. Res tamen fusiùs est investiganda, antequam huic conclusioni, quæ tantoperè theoriæ a clar. viris LAGRANGE et HASSENFRATZ de calore animali propositæ, favet, planè assentimur‡.

Nondum

* LUZURIAGA, Dissert. Inaug. p. 54.

† DE LA RIVE, Dissert. Inaug. De Calore Animali.

‡ Annales de Chemie, tome ix.

Nondum manifestum est, gas azotico chemicas sanguinis dotes affici. Maximè notabiles, quas de hac re habemus observationes, eæ sunt, in quibus perhibetur gasem azoticum sanguini arterioso objectum meliorem, certè propter oxygenii additionem, evasisse; ut viris celeb. PRIESTLEY et LUZURIAGÆ, visum est: cæterùm hæc oxygenii evolutio nullo modo explicanda videtur, nisi gas azoticus tantâ affinitatis vi donatur, ut oxygenium a sanguine abripiat; quod quidem vix credibile est, cùm enim jam sanguis oxygenium intus susceperit, nunquam eodem, sine externa interveniente causa, defraudari potest.

DE COLORIS DISCRIMINE QUOD ARTERIOSUM SANGUINEM INTER ET VENOSUM INTERCEDIT.

PHYSIOLOGIÆ peritis ad colorem fluidi de quo nunc fermo fit, animadvertentibus, hoc præsertim in animo fuit, ut has notarent mutationes quibus sanguis, diversos vasculorum ordines permeans, variisque expositum *agentibus*, objicitur; prima enim hujus coloris causa eadem planè est, quæ coloris aliorum quorumlibet permanenter coloratorum corporum. Antiquam opinionem quâ sanguinis arteriosi colorem, quem adipiscitur *exposita* rassamenti superficie, a subsidentibus rubris articulis pendere contendebatur, exceptit

PRIESTLEY

PRIESTLEY doctrina, rem phlogisto avolanti prorsus tribuentis; haud diu post rebantur homines, mutationem, quæ, vel hoc modo, vel sanguine pulmones pervadente, efficitur, (jam enim cæperant ratiocinationes de duabus eadem esse), ab intensiore ferri, quod in globulis continetur, oxydatione oriundam: nuperius etiam DARWIN docebat *additum phosphoricum acidum*, quod inter respirandum efficitur, phænomeni planè esse causam*. Jam in lucem editis illis rei rationibus, quæ ab ipsâ *colorante* materiâ mutatâ petebantur, Doctor WELLS hoc sibi proposuit, ut probaret albam sanguinis *reflectentem* materiam, per quam solam radii ab intima ejus parte repercutiuntur, plus minusve opacam vel pellucidam, hujus phænomeni quasi matrem esse.

Vir

* Botanic Garden, vol. i. p. 39.

Vir ingenio acutissimus, opticesque peritissimus, tribus his præfertim experimentis rem illustrare aggressus est.

Solutiones colorantis materie, cui niger vel venosus inerat color, collatæ sunt cum ejusdem solutionis partibus quæ in paribus vasis continebantur; alteri solutionis parti paululum nistri aquâ soluti fuit additum, altera prius aëri fuerat objecta, quam in vas conjiceretur; tertia tandem erat solutio a crassamento per *expositionem* florido facta præparata. Paria solutionum quæque inter se collata colorem, specie et gradu omninò similem retulere. Inde Doctor WELLS collegit colorem rubræ sanguinis materici, neque communi aëre, neque mediis salibus mutari *.

L

Minoris

* Philosophical Transactions, part ii. for 1797.

Minoris^q certè momenti videbuntur hæc experimenta, si animadvertatur tantulam esse nigri vel coccinei crassamenti quantitatem, ut vix ullum colorum discrimen vel acutissimo oculi acumine percipi possit. Nullus enim alius ad discrimen faciendum modus fuit adhibitus; minimèque extra dubii aleam positum est, nitrum solutioni additum, vel oxygenium cui fuerat exposta, eundem vis gradum exequisse in particulas rubras, jam enim cum aquâ confociebantur, quam maximè appetunt: cæterùm non pura admodum habebatur ipsa materies colorans, quæ cum aliis globulos componentibus partibus erat mista. Si igitur ulla observata fuisset mutatio, hanc in *colorante* materie locum habuisse, non sine aliqua ratione potuisset denegari.

Animadversiones quasdam in medium protulit Doctor WELLS, easdem quesecondarii solummodò

lummodò momenti ratus, quæ mihi illius opinionis firmissima videntur argumenta ; colorem fimbriarum frustuli crassamenti aquâ, quæ in vase vitreo continebatur, immerfi, contulit cum colore superioris superficiei coaguli, similemque omninò reperiit ; hoc equidem ipse ego animadverti, vixque aliquid discriminis notavi.

Arbitratus cum Doctore WELLS, partem sanguinis radios lucis reperiendi vi præditam, nonnihil, rebus chemicis agentibus, mutationis subiisse, ut certè mihi constaret utrum necne coccineum nigrumque crassamentum eandem radiorum vim transmitterent, sic rem ad experimentum reduxi. Lamellas, æquè, saltem quantum penes me erat, tenues ope acutissimi cultelli ab utraque separavi ; collocavi in platum vitreum, solisque radiis objeci ; eandem lucis quantitatem transmiserunt, iisque idem videbatur inesse color.

Nulla

Nulla fat valida mihi videtur ratio, cur coloris mutationem mutato *translucentiæ* gradui tribuam, licèt observata quædam de quibus jam antea dictum est, planè suadent D^{rm} WELLS rectè censisse, cùm eandem a chemica colorantis materie mutatione non oriundam contenderet. Sæpißimè tamen chemica combinatio locum obtinet; et mutatâ superimpendentis gasis naturâ, de quâ jam diximus, manifestum est, unde diversa evadat ipsa densatio, ut in istius modi combinationibus fieri affolet; resque huic *mutatæ densationi* adscribenda mihi videtur.

Duabus superficiebus, quibus varia est densatio, sibi invicem applicatis, et ita se res habet in crassamenti frusto quod, oxygenio obiectum, coccineum evadit, percussio ab earum finibus, ut constat ex illustr. NEWTONI animadversionibus, locum habet; non percipiuntur

cutiuntur tamen radii ejusdem omninò coloris, sed præ aliis radii flavi. Radii rubrum colorem facientes, quibus minima est refractione, minimam etiam habentes *reflectionem*, ultraque progredientes, ex parte suffocantur perdunturque, et ex parte a posteriore massæ superficie reperiuntur, ita ut aliqui radii in hoc exemplo spatium, quàm antea, brevius transgrediantur, antequam ad reperiientem superficiem attingant.

Quoniam verò *colorantes* corporum permanentemente coloratorum radii, ut a cel. DELAVAL luculentissimè probatum est, ex luce transmissa conficiuntur, quæ jam relaturus sum, ad rem illustrandam apprimè facient*.

Solutio

* Essay on permanently coloured transparent Bodies; Memoirs of the Manchester Society, vol. ii. p. 196.

Solutio in vase vitreo coni formam habente contenta, lucemque inter et oculum posita, si flava ad apicem vasis videatur, versus basin aurea erit, et ad latissimam partem ruberrima *. Succus viridis, *sap green* dictus, alcohol solutus et in conico vase contentus, vividè viridis in angulo observabatur, superius flavus; ubi verò per altissimam fluidi molem radii transibant, erat ruber. Solutio verò heliotropii, variis hisce in partibus et eodem ordine observabatur vividè cœrulea, purpurea, denique rubra †; inde igitur videtur majorem minoremve radiorum quantitatem quibus maxima

* NEWTON'S Optics, b. i. part ii. prob. x.

† DELAVAL; Manchester Memoirs, p. 236.

xima inest *refrangibilitas* transmitti, pro spatio quod percurrunt.

Doctori WELLS assentiens, reor sanguinem inter eas substantias esse enumerandum, quarum levissima strata radios flavos transmittunt; cum verò suprà ostenderimus radios flavos illi- cò reperiuti postquam massam sunt ingressi, radii flavum colorem afficientes qui erant suffocandi antequam ulteriorem superficiem attigissent, ut experimento suprà relato constat, ad oculum reperiuntur, et cum rubrum facientibus quorum antea maxima erat luxuries confociantur, itaque fit color coccineus. Major splendor quem Dr WELLS reperiussæ majori lucis vi tribuit *, forsan etiam ex parte huic causæ adscribendus est, sed etiam causam suam

* Philosophical Transactions for 1797.

suam habet in majori radiorum colorem flavum efficientium quantitate, qui, ut a BRISSON * animadversum est, splendidissimi sunt, vividissimumque, præ cæteris radiis ex quibus enascuntur primitivi colores, sensum excitant.

* *Traité Elementaire de Physique*, tome ii. p. 378.

F I N I S.

ERRATA.

- Pag. 5. Lin. 12. *studens lege studentem*
 — 7. — 9. HALLERO *lege* Ab HALLERO
 — 18. — 10. *lege* illico solvitur
 — 29. — 14. fluidarum globularum, *lege* fluidorum globulorum
 — 34. — 14. *lege* BAKER et HEWSON uti, &c.
 — 38. — 10. gallorum *lege* gallarum
 — 45. — 10. arteriarum *lege* arteriam
 — 52. — 7. dissipatione *lege* dissipationem
 — 72. — 7. externa *lege* extrema.

